

詩
法
指
南

詩法指南卷四

蕭山蔡

鈞及心又輯
字易園

變體諸格

變體格詩體用一句說景用一句說情或先後或不測此一聯既然矣則彼一聯如何處置并用字虛實輕重不等而意脉實佳謂之變體如老杜寒詩巽毛垂領白言我之形容情也花藥亞枝紅言彼之物色景也如此開劈下面似乎難繼却再着歌

詞源
卷四
獨衰年廢二句。應上句形容其老爲可憐。又着招尋令節同一句言不孤物色之意。後以薄衣臨積水吹面受和風一聯皆以情穿景而結亦不弱。此通篇變體也。又如老去詩篇渾漫興春來花鳥莫深愁以詩篇對花鳥蓋句法之變也。

三言格如顏真卿喜皇甫見過玩月詩喜嘉客闕前軒天月淨水雲昏。雁聲苦蟬影寒。開裏開泥滴露檀樂歡宴處江湖間。捲翠幕吟佳句恨清光留不住。高駕動清角催惜歸華重徘徊。露欲晞容將醉猶宛轉照深意是也。

四言格如皇甫冉題壁上畫山詩墨妙無前性生筆
先迴溪已失遠嶂猶連側徑樵客長林野烟青峰
之外何處雲天是也

五言六句格如李益詩漢家今上郡秦塞古長城有
日雲長慘無風沙自驚當今聖天子不戰四夷平
是也

五言五句格第四句不入韻故用第五句協之如包
何詩當曙與未曙百鳥啼前窓獨眠抱被嘆憶我
懷中儂單情何時雙是也

五言八句變體格用兩韻爲變如李白詩清泉映疎

言海集卷四
松不知幾千古。寒月搖清波。流光入窓戶。對此空
長吟。思君意何深。無因見安道。興盡愁人心。是也
六言格。六言詩。昉于漢司農谷永。魏晉以迄中唐多
有其詩。以二四六字定平仄。其句以二字一轉。或
四字一換。六字一事者。但不能以三字五字爲一
事一轉者。然要字字着實聲調鏗鏘。或對或散。惟
不可開散字成句。詩以第六字押韻。雖平仄不整
無碍。二四字粘不失者。如劉長卿詩。清川永路何
極。落日孤舟解。携鳥向平蕪。遠近人隨流水。東西
白雲千里。萬里明月。前溪後溪。惆悵長沙。謫去江

潭芳草萋萋其不拘平仄者如王維詩桃紅復含
宿雨柳綠更帶朝烟花落家童未掃鳥啼山客猶
眠大抵詩家雜體失粘不妨止要理透

七言三句格如岑之敬當壚曲明月二八照花心當
壚十五晚留賓回眸百萬橫自陳是也

七言五句格如老杜詩曲江蕭條秋氣高菱荷枯折
隨風濤遊子空嗟垂二毛白日素沙亦相蕩哀鴻
獨叫求其曹是也

七言六句格如柳宗元詩漁翁夜傍西巖宿曉汲清
湘然楚竹烟銷日出不見人欸音乃舟子所唱

一聲江水綠。迴看天際下中流。岩上無心雲相逐。
是也。

七言七句格如李白烏栖曲。姑蘇臺上烏栖時。吳王
宮裏醉西施。吳歌楚舞歡未畢。青山欲啣牛邊
日。銀箭銅壺漏水多。起看明月墜江波。東方漸
高。奈樂何是也。

七言絕句變體格用一平一仄兩韵。如王勃詩。複道
重樓向浦開。秋風明月渡江來。故人故情懷故
宴。相望相思不相見。是也。

七言六句變體格如劉琤古意曲。梧桐墻下月團圓。

洞房如水秋夜闌。吳刀剪破機頭錦。茱萸花墜
相思枕。綠窓寂寞背燈時。暗數寒更不成寢。是也。
七言八句變體格。四句換韻。一仄一平。如宋之間詩。
君行正值芳春月。蜀道千山皆秀發。溪邊十里五
里花。雲外三峯兩峯雪。君上匡山我舊居。松蘿
拋擲十年餘。君行試到山前問。山鳥只今相憶無。
是也。

長短句格。如盧仝有所思詩。當時我醉美人家。美人
顏色嬌如花。今日美人棄我去。青樓珠箔天之涯。
○娟娟姮娥月。三五二八盈又缺。翠眉蟬鬢生別

離。一。望。不。見。心。斷。絕。○心。斷。絕。幾。千。里。夢。中。醉。臥。
巫。山。雲。覺。來。淚。滴。湘。江。水。○湘。江。兩。岸。花。木。深。美。
人。不。見。愁。人。心。含。愁。更。奏。綠。綺。琴。高。調。絃。絕。無。知。
音。美。人。兮。美。人。不。知。爲。暮。雨。今。爲。朝。雲。相。思。一。夜。
梅。花。發。忽。到。窓。前。疑。是。君。是。也。

三。五。七。言。格。如。太。白。詩。秋。風。清。秋。月。明。落。葉。聚。還。散。
寒。鴉。棲。復。驚。相。思。相。見。知。何。日。此。時。此。夜。難。爲。情。
一。字。至。七。字。格。如。白。樂。天。送。別。云。詩。詩。綺。美。瑰。奇。明。
月。夜。落。花。時。能。助。懽。笑。亦。傷。別。離。調。清。金。石。怨。嗟。
苦。鬼。神。悲。天。下。只。應。我。愛。世。間。惟。有。君。知。自。從。都。

尉別蘇句。便到司空送白時。是也。

按李之用所輯詩家全體。有庾開府八言詩九言詩。宋文與可有一字至十字詩。攷唐人絕無此體。且非初學急務。故不採錄。

雜三五七言古體格。如劉妙容宛轉歌。月旣明。西軒琴復清。寸心斗酒爭芳夜。千秋萬歲同一情。○歌宛轉。宛轉淒以哀。願爲星與漢。光影共徘徊。是也。

雜五七言古體格。如侯夫人看梅詩。砌雪無消日。捲簾時自顰。庭梅對我有憐意。先露枝頭一點春。是也。

葫蘆韵格前少後多。前二後三。如太白詩。我携一樽酒。獨上江左右。自從天地開。更長幾千壽。舉杯向天笑。天回日西照。永賴坐此石。長垂嚴陵釣。寄謝山中人。可與稱同調。是也。

轆轤韵格單轆轤者。單出單入。兩句一換。雙轆轤者。雙出雙入。四句一換。如李嘉祐詩。江心淡淡芙蓉花。江口娥眉獨浣沙。○可憐應是陽臺女。坐對鷺鷥嬌。不語掩面羞。看北地人回身。忽作空山雨。○蒼梧秋色不堪論。千載依依帝子魂。君看峯上斑斑竹。盡是湘妃泣淚痕。是也。

平頭換韵格一韵七句方換韵。又是平韵。其法不得用雙殺。如東坡太白讚云。謫仙非謫。乃共遊揮斥八極。隘九州。化爲兩鳥。鳴相酬。一鳴一止。三千秋。開元有道。爲少留。塵之不得矧肯求。東望太白橫峨岷。眼高四海空。無人大兒汾陽中。令君小兒天。台坐忘身。平生不識高將軍。手斲吾足矧敢嘆。作詩一笑。君應聞。是也。

促句換韵格其法或六句或九句不拘平仄每三句換一韵三疊而止如黃山谷觀畫馬詩儀鸞供帳襲風行翰林濕薪爆竹聲繡宮燭殘淚縱橫木穿

石槃未渠透。坐窓不覺令人瘦。貪馬百段逢一豆。
眼明見此玉花驄。經思着鞭隨詩翁。城西野桃尋
小紅。是也。

句句用字格。重疊字犯。極其精工者。如淵明止酒詩。
居止次城邑。逍遙自閑止。坐止高蔭下。步止華門
裏。好味止園葵。大懽止稚子。平生不止酒。止酒情
無喜。暮止不安寢。晨止不能起。日日欲止之。營衛
止不理。徒知止不樂。未知止利已。始覺止爲善。今
朝真止矣。從此一止去。將止扶桑涖。清顏止宿容。
奚止千萬祀。是也。

迴文格迴文詩者反覆成章隨舉一字皆成詩自晉
溫嶠起或云起于竇滔妻蘇氏其迴文八百一十
二字縱橫讀之得其三四五六七言詩三千七百
五十二首具反覆無窮之妙今之作迴文止順讀
成一首創讀成一首五言律如錢惟治春日登大
悲閣詩聖主欽崇教靈光顯紺容映雲窓倚暖籠
月箔花重淨剎香風遠危欄碧霧濃勝因良以詠
華閣一斯逢七言絕句如蘇東坡題織錦圖曰春
曉落花餘碧草夜涼低月半梧桐人隨遠雁邊城
暮雨映疎簾繡閣空又題金山寺七律云潮隨暗

浪雪山傾晚浦漁舟釣月明橋對寺門松徑小檻
當泉眼石波清迢迢綠樹江天曉霽霽紅霞海口
晴遙望四山雲接水碧波千點數鷗輕是也

附詩家解數諸法

徐而菴曰作五言古詩諳乎解數則下筆自有分寸
詩以四句爲一解如王維別趙仙舟詩相逢方一
笑相送還成泣祖帳已傷離荒城復愁入蓋言相
逢方作歡喜俄而相送則繼之以泣矣設祖帳以
送君已傷別離當送君之後予回荒城又愁獨入
此二句是未別之前預爲傷預爲愁也此爲一解

天寒遠山淨日暮長河急解纜君已遙望君猶竚
立。蓋言天寒則氣清可望見遠山客路在其中間
日云暮矣長河又急水去如箭纔得解維舟已去
遠送者不及轉身尙竚立於別處也此爲一解

七古如老杜飲中八仙歌知章騎馬似乘船眼花落
井水底眠汝陽三斗始朝天道逢麴車口流涎恨
不移封向酒泉左相日興費萬錢飲如長鯨吸百
川銜杯樂聖稱避賢宗之瀟灑美少年舉觴白眼
望青天皎如玉樹臨風前蘇晉長齋繡佛前醉中
往往愛逃禪李白一斗詩百篇長安市上酒家眠

天子呼來不上船。自稱臣是酒中仙。張旭三杯草
聖傳。脫帽露頂王公前。揮毫落紙如雲烟。焦遂五
斗方卓然。高談雄辯驚四筵。將八人截然分開。竟
作八解。一解中或二語或三語或四語參差不恒。
今人論詩其於律也。但取情景一氣直下者爲上。殊
不知情景乃詩之料。一氣直下則意已竭而無餘。
夫詩之用意用詞固不能離却情景而法之運用。
則在四句爲一解。律詩一二爲起三四爲承。承蓋
爲起而設也。則承與起爲一解。五六爲轉七八爲
合。轉蓋爲合而設也。則轉與合爲一解。意在起合。

詞在承轉意用單行詞須對偶斷斷如也如杜審言和晉陵陸丞相早春遊望詩獨有宦遊人偏驚物候新獨字見此外無人偏字見於此最親切雲霞出海曙梅柳渡江春雲霞梅柳總是物曙與春總是候曙是日之早春是歲之早承上爲一解于是另起作轉淑氣催黃鳥晴光轉綠蘋淑氣春氣也已催出黃鳥之聲晴光春光也已轉生綠蘋之葉忽聞歌古調歸思欲沾巾古調指丞相原倡于是始聞謂之忽丞相晉陵人因宦遊歸得遂早春遊望我因不得歸遂辜負此早春聞黃鳥見綠蘋

而歸不可得。所以淚沾巾。也是爲後一解。

五言十二句。謂之排律。本是一首律詩。律之法。在起承轉合。分之爲二解。排者。將二解排之。使開從中。插入四句。此四句。最是難下。旣前一解二句起。二句承。後一解二句轉。二句合。今插入四句。前二句不可上同。于承。後二句不可下同。於轉。與承轉不相干涉。又要一氣無痕。抽此四句。無減於律。加此四句。無礙于律。方爲合作。若十六句二十句二十四句。則二解一解。排去直至百韵可也。如宋之問奉和晦日幸昆明池應制詩。春豫靈池合。滄波帳。

殿開舟凌石鯨度槎拂斗牛迴節晦莫全落春遲
柳暗催象溟看浴景燒劫辨沉灰鑄飲周文樂汾
歌漢武才不愁明月盡自有夜珠來此詩分三解
首四句一起一承是一解中間四句節晦句是說
三十日春遲句是說正月象溟句言池象北海是
說皇唐大一統燒劫句言灰延燒劫是說皇帝萬
萬歲也的是中間一解後四句說鑄飲汾歌則晦
夜明月不在生出珠來的是第三解○春豫二句
是起舟凌二句是承以幸昆明起應以舟槎承中
間排入四句趁便輕輕出晦日一句說時景一句

說池之象。溟一句說池底之切。灰一句畢然後作轉。二句言周文之鑄飲。漢武之汾歌。中宗之幸昆明。與群臣飲酒賦詩。俱在晝日。以轉到晦日。晦日當言夜。故以不愁二句爲合。

七言律分二解。如關門兩扇開。則相向合。則密縫。其命意措詞。最爲緊嚴。如蘇頌奉和春日幸望春宮應制詩。東望望春春可憐。更逢晴日柳含烟。宮中下見南山盡。城上平臨北斗懸。細草偏承迴輦處。飛花故落舞觴前。宸遊對此歡無極。鳥弄歌聲雜管絃。望春宮在東。故先東望望春宮也。春可憐是

言放此春光不下也。更逢晴日是見望外歡喜。柳
含烟正春可憐處也。官中城上二句是承言望春
官之高又逢春晴望中之物無不畢見也。此爲前
一解。細草飛花二句爲下歡無極作轉也。宸遊對
此此字指在官所見者。草旣效承花亦學舞南山
盡在目前。北斗若懸足下。皇情孚暢故曰歡無極
獨此一句是合。然煞不住於是將鳥來足一句曰
鳥弄歌聲雜管絃歡無極亦正于此句見。此後一
解。

五言絕句爲詩之關紐。不可以其字少而易之。尤須

先學精乎此。則諸體無難事矣。七言絕句。較五言絕句多八字。句長。則可以聲調行乎其間矣。其法大抵前起多用頓。後結則用挫。如王翰涼州詞。葡萄美酒夜光杯。欲飲琵琶馬上催。醉臥沙場君莫笑。古來征戰幾人回。此詩之妙。先論頓挫。葡萄美酒。一頓。夜光杯。一頓。欲飲。一頓。琵琶馬上催。一頓。醉臥沙場。一頓。君莫笑。一頓。凡六頓。古來征戰幾人回。則方挫去。夫頓處皆截。挫處皆連。頓多挫少。唐人得意。乃在此。杜工部云。沉鬱頓挫者。沉鬱于頓挫之法也。次論起承轉合。夫唐人最重之法。起

陡然落筆如打椿。動換一字不得爲佳。或未能明透。又恐單薄。故須用承。承者承起句義也。轉者推開。也不推開。則局隘。不推開。則氣促。人問曰。旣云推開。則當云開。不當云轉。夫古人不云開。而云轉者。用力在開。將去而意則欲轉回。故云轉也。轉蓋爲合而設也。合者合于我之意思上。來人作一詩。其意必在結處。見作者于此處爲歸宿。又須通首精神煥然。照面言外。更有餘意。方是合也。今人不知此法。常講照應可笑也。夫合又不但此也。一首詩作如是起。當如是承。當如是轉。當如是合一字。

不出入斯爲合作。寧獨結處爲合而云合也。此作
葡萄句是起。欲飲句是承。醉卧句是轉。古來句是
合。承旣爲起。轉又爲合。由此觀之。古人蓋尤重起
結也。

相題

胡元瑞曰。四言變而離騷。離騷變而五言。五言變而
七言。七言變而律詩。律詩變而絕句。詩之體以代
變也。三百篇降而騷。騷降而漢。漢降而魏。魏降而
六朝。六朝降而三唐。詩之格以代降也。風雅之規
典。則爲尙離騷之致。洙永爲宗。古詩之妙。專求意。

象歌行之暢必由才氣近體之攻務先法律絕句之構獨主風神此結撰之殊途也兼哀總絮集厥大成詣絕窮微超乎彼岸軌筏具存在人而已商文毅曰詩之寫題處妙在親切其出題處妙在有美刺之隱情喜怒哀懼愛惡欲之深意

近軒偶錄古樂府命題俱有主意後之作者直當因其事用其題始得如饒歌二十曲中有朱鷺曲由漢有朱鷺之祥因而爲詩作者必因紀祥瑞始可用朱鷺之曲相和歌三十曲內有東門行乃士有貧行不安其居妻子牽衣留之作者必因士負氣

節未伸。始可代婦人語作東門行。沮之餘不盡述。各以類推之可也。若借名而不求其原則失之矣。如劉猛李餘輩賦出門行不言離別。將進酒乃叙烈女事。至於太白名家亦不免此病。故樂府解一書不可忽也。

黃家鼎曰。應制題帶不得山林氣。格律須如錦明霞。燦電燦雷鳴。

朱東岳曰。如宋之間奉和春初幸太平公主山莊應制詩。青門路接鳳凰臺。素澁宸遊龍騎來。澗草自迎香輦。令巖花應待御筵開。文移北斗成天象。酒

近南山作壽杯。此日侍臣將石去。共歡明主賜金。
題是幸公主山莊而劈頭先寫青門路。接言天。
子孟春行慶東郊。而青門適與山莊路接。以故臨。
幸其莊。非無事而空行也。澗草自迎。巖花應待。寫。
公主望幸之至情。自不必言。然細玩自迎應待意。
卻是春氣已動。春花未開。又摹寫春初二字也。五。
言是日君臣賦詩。六言是日君臣飲酒。而必結言。
天子賜金者。極寫天子禮數之隆。共傳被寵賜金。
又必先言將石者。極寫公主山莊之勝。不啻乘槎。
得石也。此皆唐入妙法。不可不學。

青箱雜記晏元獻言富貴題不及金玉錦繡惟說其
氣象若樓臺側畔楊花過簾幙中間燕子飛又如
西樓月上簾簾靜後苑花開院院香窮人家有此
景否

沈確士曰懷古題只用平直說去無妨如陳伯玉薊
邱覽古云南登碣石館遙望黃金臺邱陵盡喬木
昭王安在哉霸圖悵已矣驅馬復歸來其忼慨激
昂之意亦是懷古一派

沈確士曰寫離情不可過於悽惋含蓄不盡愈見情
深

徐而菴曰。王維送元二使安西詩。渭城朝雨浥輕塵。
客舍青青柳色新。勸君更盡一杯酒。西出陽關無
故人。此詩之妙。只是一個真。真則能動人。故後人
送行多唱此。謂之陽關三疊。附唱第一疊。渭城朝
雨浥輕塵。浥輕塵。客舍青青柳色新。勸君更盡一
杯酒。西出陽關無故人。第二疊。渭城朝雨浥輕
塵。客舍青青柳色新。勸君更盡一杯酒。西
出陽關無故人。第三疊。渭城朝雨浥輕塵。浥輕
塵。客舍青青柳色新。勸君更盡一杯酒。西
出陽關無故人。又秦泉子曰。每句先七言中五

言後三言。謂之陽關三疊。

瀟。奎。律。髓。司。空。曙。與。友。人。宿。別。詩。乍。見。翻。疑。夢。相。悲。
各。問。年。乃。久。別。忽。逢。之。况。韓。昌。黎。送。李。員。外。詩。飲。
中。相。顧。色。送。後。獨。歸。情。曲。盡。離。別。之。狀。梅。聖。俞。送。
人。歸。新。淦。詩。葛。花。侵。野。徑。源。水。入。腴。田。蓋。言。新。淦。
之。景。又。送。人。之。徐。州。詩。雨。過。短。亭。雲。斷。續。鶯。啼。高。
柳。路。西。東。呂。梁。水。注。千。尋。險。大。澤。龍。歸。萬。古。空。此。
聯。切。徐。州。曾。茶。山。送。人。守。天。台。詩。興。公。賦。裡。雲。霞。
赤。子。美。詩。中。島。嶼。青。切。台。州。皆。據。景。言。情。而。有。無。
窮。之。味。

又曰風懷之題須意有餘而不及於褻如韓偓咏偶
見三四云仙樹有花難問種御香閑氣不知名此
兩句佳至咏五更三四云懷裏不知金鈿落暗中
惟覺繡鞋香則太猥太褻矣如席上有贈詩五六
云鬢垂香頸雲遮藕粉着蘭胸雪壓梅語雖褻然
止形容其貌如巧笑美目之詩不及乎淫也

趙汭曰凡咏物詩戒粘皮着骨須靈氣飛舞

律髓六朝咏物詩皆就本物上雕刻進去意在題中
故工巧唐人咏物詩皆就本物上開拓出去意包
題外故高雅

朱東岳曰。大抵咏物詩。用興最好。用比亦最好。若純用賦體。猶之畫工。金碧屏障。有何妙處。如鄭都官鷓鴣詩。暖戲平蕪。錦翼齊品。流應得近山。雞雨昏青草。湖邊過。花落黃陵廟裏啼。遊子乍聞。征袖濕。佳人纔唱。翠眉低。相呼相喚。湘江浦。苦竹叢。深春日。西前四句。是寫鷓鴣。後四句。是寫聞鷓鴣者。純用比。用興。故佳。

近軒偶錄。詩家動稱風花雪月。而花與雪月。俱有景可寫。惟吟風最難工。如唐人韓琬詩。競持飄忽意。何窮爲盛。爲衰。半不同。偃草喜逢新雨後。鳴條愁。

聽曉霜中涼。飛玉管來秦。句暗裊花枝入楚宮。莫見東西便無定。滿帆還有濟川功。句句切題而不著跡。

百解明珠詩人有寫物之功。桑之未落其蔭沃若。他木殆不可以當此。林逋梅花詩云。池水倒窺疎影動。屋簷斜入一枝低。決非桃李詩。陸龜蒙白蓮詩。白素藕音委多蒙別艷欺。此花真合在瑤池。還應有恨無人覺。月曉風清欲墮時。決非紅蓮詩。此乃寫物之功。

朱斯佩曰。王直方云。石曼卿紅梅詩。認桃無綠葉。辨

杏有青枝。東坡嘗謂此兩句。村學堂中體也。坡詠
紅梅云。怕愁怕睡。獨開遲。自恐冰容不入時。故作
小紅桃杏色。尙餘孤瘦。雪霜姿。寒心未肯隨春態。
酒暈無端上玉肌。詩老不知梅格在。更看綠葉與
青枝。此爲絕唱。今見蔡友企菴詩。梅花千樹萬樹
白。天遣一枝兩枝紅。不是要誇顏色好。壓他桃李
笑。春風又詩。羅浮仙子飲流霞。醉倒孤山處士家。
幾度東風吹不醒。至今顏色似桃花。其風骨風韻
不減東坡。

虞齋廣錄。洪州楊軒詠牡丹曰。楊妃歌舞態。西子巧

競。魂。利。劍。砍。不。斷。餘。妖。鍾。此。根。光。華。日。已。盛。欄。摧。
豈。長。存。寄。語。尋。芳。者。須。知。松。栢。尊。羅。隱。曰。若。教。解。
語。應。傾。國。任。是。無。情。也。動。人。二。人。用。意。不。同。如。此。
軒。詩。雖。撚。風。花。而。有。警。戒。

方。虛。谷。曰。梅。聖。俞。雪。詠。密。勢。因。風。力。輕。姿。任。物。形。描。
寫。細。潤。可。法。又。陸。放。翁。詩。瘴。癘。家。家。一。洗。無。更。欣。
餘。閒。沃。焦。枯。花。壺。夜。凍。先。除。水。衣。焙。朝。寒。久。覆。爐。
松。頂。積。高。時。自。墮。竹。枝。壓。重。欲。相。扶。雲。間。正。直。春。
風。早。却。看。晴。光。滿。九。衢。花。壺。衣。焙。一。聯。猶。曾。茶。山。
一。夜。紙。窓。明。似。月。多。年。布。被。冷。如。冰。之。意。是。雪。天。

之室中事也。積松壓竹一聯。猶尤延之梅枝堆亞。難尋萼萱草侵凌不辨苗之意。是雪天之林間事也。善詩者豈但描寫物色而已哉。

雪濤詩評。初月新月詩。古來不知多少。予獨愛一閨秀絕句尾語云。天邊怕看如鉤月。鈎起新愁與舊愁。題是初月。却不言景。而融景於情之中。佳極。

蜀志詩話。有高士某中秋對月吟云。隔離呼酒來烹芋。又恐憐家索酒錢。不若與妻商確定。閉門推出月。還天題是中秋對月。因無酒而推月。還天真匪夷所思。今讀者眉開目朗。

麓堂詩話古詩與律不同體必各用其體乃爲合格然律猶可間出古意古不可涉律古涉律如謝靈運池塘生春草紅藥當堦翻雖一時傳誦已移於流俗而不自覺律間出古意如孟浩然一杯還一曲不覺夕陽沉李大白鸚鵡西飛隴山去芳洲之樹何青青要自不禁也

仇滄柱曰杜之律李之絕皆天授神詣然杜以律爲絕如窓含西嶺千秋雪門泊東吳萬里船等句本七律壯語而以爲絕句則斷錦裂繒類也李以絕爲律如十月吳山曉梅花落敬亭等句本五言絕

境而以為律詩則駢冊枝指類也。

立意

邱瓊山曰作詩須先得意意得則詞自達韻自協篇自易成若漫不立意而徒致餘于字句之間則不入於割裂卽入於補綴未善也。

滄浪詩話作詩或感古懷今或傷今思古或因事說景或因物寄情一篇之中先立大意起承轉合三致意焉則工緻矣。

范元實曰詩有一篇命意句中命意如老杜奉贈韋左丞丈二十二韻篇前後布置是一篇命意也至

其道不忍決去之意。則曰尙憐終南山回首清渭濱。其道欲與章別之意。則曰常擬報一飯。况懷辭大臣。此句中命意也。

蘇長公外紀李義山錦瑟詩云。錦瑟無端五十絃。一絃一柱思華年。莊生曉夢迷蝴蝶。望帝春心托杜鵑。滄海月明珠有淚。藍田日暖玉生烟。此情可待成追憶。只是當時已惘然。山谷讀此殊不曉。以問東坡。坡曰。此出古今樂志云。錦瑟之爲器也。其絃五十。其柱如之。其聲也適。怨清和。按李詩。莊生曉夢句。適也。望帝春心句。怨也。滄海月明句。清也。藍

日暖句和也。一篇之中，曲盡其意。

唐詩鼓吹韓偓中秋禁直詩結聯云長卿只爲長門

賦未識君臣際會難只君臣際會難五字是通篇

主意起云星斗疎明禁漏殘紫泥封後獨憑欄

當禁漏初殘星斗疎明之際何地何時僅以三寸

柔翰出入殿庭憑欄獨望此何等際會也三四露

和玉屑金盤冷月射珠光貝闕寒二句寫禁中秋

景也五六天褰樓臺歸苑外風吹歌管下雲端二

句寫禁中入直之所見所聞也當此君臣際會自

有一段忠君愛國念頭一番忠君愛國事業托長

卿正以自勉耳。讀是詩可悟立意之式。

古今詩話孫少述裁竹詩曰更起粉牆高千尺莫令
牆外俗人看晏臨淄曰何用粉牆高千尺任教牆
外俗人看一是處士之節一是宰相之量立意各
殊。

朱東岳曰司空圖長信宮詩細草侵堦亂碧鮮宮門
深鎖綠楊天珠簾欲捲擡秋水羅幌微開動冷烟
此四句寫長信宮畫景之無聊下云風引漏聲來
枕上月移花影到窓前獨挑殘燭魂堪斷卻恨青
娥誤少年此四句寫長信宮夜色之無賴青娥誤

少年是一篇主意。若非青娥卽悞。亦無恨。卽少年亦無恨。惟青娥而悞少年。所以可恨耳。

詩法要標。詩有題目章法。作詩者須先因事立題。就

題立意。如杜詩題曰嚴公柱駕草堂云云。則宜情事兼至。故詩曰。竹裡行厨洗玉盤。花邊立馬簇金鞍。以見嚴公一時携饌氣象之盛。繼之曰。非關使者徵求急。自識將軍禮數寬。然後柱駕携酒之意備見。此是前半首章法也。頸聯繼之曰。百年地僻柴門迥。五月江深草閣寒。以實草堂乃結之曰。看弄漁舟移白日。老農何有罄交歡。夫言柴門地僻。

百年之迥則素無賓客可知矣。草堂深五月寒無他景色可知矣。而公乃獨看漁舟以移白日則我老農何所有而盡其交歡哉。其感愧之情答於言外而四句自爲起伏。此後半首章法也。前後相屬而脈絡貫通。原其情景交暢則一開一闔各有指歸。皆不外乎自然之序也。章法一明則句不泛施言必當物。前不置後後不置前如造化生成自本自支不假人力。然一章之中有句法一句之中有字法積字以成句累句以成章百鍊千錘在乎意匠經營耳學者能以意爲主而有得焉則短章長

篇無施不可矣。獨律詩乎哉。

圍爐詩話仕途中有詞無意之詩。可以萬應而不窮。且寫在白綾金扇上。亦能炫俗眼。但不可留槁人。若看至五六首。必嘔噦矣。

宋僧道潛臨平道中詩云。風蒲獵獵弄輕柔。欲立蜻蜓不自由。五月臨平山下路。藕花無數滿汀洲。清穎極矣。尚非唐詩。景中無意故也。

詩法指南卷五

蕭山蔡

鈞

及心又韓
字易園

鍊句

詩法要標古人講求句法。雖少陵亦曰語不驚人死
不休。所以學者須旬煨月鍊。務求得於天然。言雖
簡而不遺意。句雖豪而不畔理。五言不可添作七
言。七言不可減作五言。可添可減。便不成詩句。一
聯二句俱要精當。或資不及。寧可下句勝上句。斷

不可上句勝下句也。古人造句意精語潔字愈少而意愈饒味餘言外悠然而長黯然而光雖非後學驟及却當以此爲宗。

徐子擴曰：凡詩以下句勝上句爲作家，先一句好而後一句弱或不稱則敗興矣。

方虛谷曰：司空圖咏永嘉風土，戍鼓和潮暗，船燈照島幽。司空曙咏長沙風土，野蕉依戍客，廟竹映湘君。皆下句勝上句也。羊士諤林館詩，山蛭金奏響，花露水晶圓。下句尤勝上句。王建詩，小婢偷紅紙，嬌兒弄白髻。上句新，下句壓倒上句。樂天齊居中。

雨。聯。低。風。洗。池。面。斜。日。拆。花。心。暝。助。嵐。陰。重。春。添。
水。色。深。此。四。句。皆。下。句。好。又。岳。陽。樓。詩。春。岸。綠。時。
連。雙。澤。文。波。紅。處。近。長。安。下。一。句。好。上。一。句。涉。粧。
點。

滄浪詩話對句好可得結句好難得發句好尤難得。
不必太著題不必多使事意貴透徹不可隔靴搔。
癢語貴脫洒不可拖泥帶水。

近軒偶錄楊巨源秋日起句繁菊照深居芳香春不。
如起句最佳而照字尤妙司空圖早春起句傷春。
仍客處病眼却花朝十字四折最善李中春日野。

望嶺聯云。暖風醫病草。甘雨洗荒村。上句新。下句淡而有味。杜荀鶴茅山後半首云。石面迸流水。松梢穿破雲。道人星月下。相次禮茅君。其尾句躍出。拘攣深得結句體。

沈隱士曰。王灣次北固山下云。海日生殘夜。江春入舊年。夫江中日早。客冬立春。本尋常意。一經錘鍊。便成奇絕。與少陵無風雲出塞。不夜月臨關一副筆墨。

詩史。唐僧多佳句。如靈一詩。泉湧階前地。雲生戶外峯。句法幽野。又有比物以意。而不言物。謂之象外。

句如無可詩曰聽雨寒更盡開門落葉聲是落葉
比雨聲也又曰微陽下喬木遠燒入秋山是微陽
比遠燒也用事琢句妙在言其用而不言其名耳
此惟荆公知之荆公詩含風鳴綠鱗鱗起弄日鵝
黃裊裊垂此言水柳之用而不言水柳之名

李之用曰換字拗句之法于美多有之如厨密早蜂
亂江泥輕燕斜渡口月初上隣家漁未歸殘雪入
林路暮山歸寺僧如一雙白魚不受釣三寸黃柑
猶自青負塩出井此溪女打鼓發船何處郎殘星
幾點鴈橫塞長笛一聲人倚樓皆拗句也

圍爐詩話千美云晚節漸於詩律細律謂音律拗句
詩不必學

古今詩話古人有風定花猶落之句無人能對王荆
公對以鳥鳴山更幽本宋王藉詩原對蟬噪林逾
靜鳥鳴山更幽上下句只是一意若對風定花猶
落則上句靜中有動下句動中有靜

杜詩風含翠篠娟娟淨雨裊紅蕖冉冉香上句
風中有雨下句雨中有風楊誠齋詩綠光風動麥
白梅日翻荷亦然上句風中有日下句日中有風
人不可不知用句之法

律髓王介甫平山堂句。淮岑日對朱欄出。江岫雲齊碧瓦。則所謂平山而堂字又在其中也。其精如此。

閒居錄東坡問琴操云。何謂景中人。操云。褰拖六幅湘江水。髻挽巫山一段雲。何謂人中景。操云。金勒馬嘶芳草地。玉樓人醉杏花天。此得詩之三昧。

石舟日抄明陳繼云。詩句必情與景合。景與情合。始可與言詩。如芳草伴人還易老。落花隨水亦東流。此情與景合也。雨中黃葉樹。燈下白頭人。此景與情合也。

唐人秦韜玉有詩句地衣鎮角香獅子。簾額侵鈎繡辟邪。后山有壞牆得雨蝸成字。古屋無人燕作家。韜玉可謂狀富貴之象於目前。后山可謂含寂寞之景于言外。

方虛谷曰。朱潛山詩。羣花半露乾坤巧。百刻平分晝夜停。以下句言春分。以上句喚動而知其爲春分也。合兩句咏之甚齊。當上四下三截斷看。

又曰。唐僧處默詩。到江吳地盡。隔岸越山多。亦見寫物之妙。后山縮爲一句。吳越到江分高矣。譬之其君一夜話勝讀十年書山谷縮爲一句曰。話勝十

年書是也。以此見詩法之無窮。歐陽公滄江萬里
流不盡白鳥雙飛意。白閑東坡謂此兩句敵者杜
后山青林無盡意。白鳥有餘閒。尤簡而省。

范傳道見題壁句云。一鳩啼午寂。雙燕話春愁。謂是
子瞻作。子瞻曰。此唐人得意句。我安能也。茗溪漁
隱衍爲七言曰。話盡春愁雙燕子。喚回午夢一黃
鸝。後人却不及前人。

麓堂詩話。月到梧桐上。風來楊柳邊。豈不佳。終不似
唐人句法。芙蓉露下落。楊柳月中疎。有何深意。却
自是詩家話。

青瑣後集韓子蒼曰丁晉公海外詩句草解忘憂憂
底事花名含笑笑何人世以爲工及讀東坡詩花
非識面常含笑鳥不知名時自呼便覺才力相去
如天淵

六一詩話余嘗愛西清詩話載吳越王時宰相皮光
業每以詩爲已任嘗得一聯云行人折柳和輕絮
飛燕銜泥帶落花自負警策以示同僚衆爭歎譽
裴光紆曰一句偏枯不爲工蓋柳當有絮泥或無
花此論乃得詩之膏肓矣

鍊字

葛常之詩話詩要鍊字字者眼也如杜審言詩啼鳥
驚殘夢飛花攬獨愁又如張又新詩湖光迷翡翠
草色醉蜻蜓鍊中間一字如老杜詩地坼江帆隱
天清木葉聞又嚴維詩柳塘春水慢花塢夕陽遲
皆鍊末后一字

李之用日凡詩眼用寔字方得句健五言以第三字
爲眼七言以第五字爲眼如夜潮人到郭春霧鳥
啼山殘暑蟬催盡新秋雁帶來宿雲鵬際落殘月
蚌中開如楊柳風多潮未落蒹葭霜冷雁初飛梅
子黃時天更雨松花落盡晚尤風風傳鼓角霜侵

戰雲捲笙歌。月上。勒登劍閣。雲隨馬。夜渡巴江。
雨洗兵。皆寔字也。又要用響字。五言七言字眼同。
上如。白沙留月色。綠竹助秋聲。圓荷浮小葉。細麥
落輕花。烟蕪歛暝色。霜菊發寒姿。窻風枯硯水。山
雨慢琴絃。孤燈燃客夢。寒杵搗鄉愁。返照入江翻。
石壁歸雲擁。樹失山村萬里江山分。曉夢四隣歌。
管送春愁壯志已憐成。白首餘生猶待發。青春驚
傳舊語。嬌春日花學嚴粧。妬曉風皆響字也。

方虛谷曰。凡詩音最忌啞工而啞。不如不必工而響。
呂居仁又有字字響。句句響之說。學者當先去其

啞可也

又曰裴晉公夏口對雨詩對面雷噴樹當堦雨起人
噴字起字見夏雨之快乃句眼也岑參詩寒花飄
客淚邊柳掛鄉愁飄字掛字眼突吳融詩林風移
宿鳥池雨定流螢移定雨字眼好王牛山詩綠攬
寒蕖出紅爭暖樹歸魚吹塘水動雁拂塞垣飛宿
雨驚沙靜晴雲漏晝稀其攬爭吹拂驚漏六字皆
詩眼未有名爲好詩而句中無眼者黃山谷送人
之宣州詩曉樓明宛水春騎簇昭亭柅秬豐圩戶
析楊郎訟庭此言風土之美而明簇豐卧四字詩

眼也。張宛邱詩：幽花冠曉霧，高柳旆和風。陳后山詩：卷簾通燕子，織竹護雞孫。冠旆通護四字皆句
中眼。曾茶山喜雨詩：千里稻花應秀色，五更桐葉
最知音。應字最字眼，有精神。陳簡齋送行詩：寒日
滿川分衆色，暮林無葉寄秋聲。分字寄字眼工。
唐詩彙選：郎士元詩：蟲絲粘戶網，鼠跡印床塵。粘字
印字眼好。王貞白詩：殘燈明市井，曉色辨樓臺。明
字辨字眼佳。

潘邠老云：介甫詩：江月轉空爲白晝，嶺雲分暝與黃昏。一水護田將綠繞，兩山排闥送青來。東坡海棠

詩只恐夜深花睡去。故燒銀燭照紅粧。又曰。我攜此石歸。袖中有東海山谷曰。此皆謂之句中眼也。馬誠所詩說。詩有詩字眼。賦有賦字眼。文章有文章字眼。各不相爲用。如茶湯酒醋之不可相襍也。古詩字眼亦不可入近體。湯義仍好作賦。常取賦中字樣用在詩內。此不知詩者。

荆公鍾山語錄。杜詩無人覺來往。疎嬾興何長。下得覺字大好。皇甫冉詩。暝色赴春愁。下得赴字最好。若下起字。卽小兒語也。足見吟詩要一字兩字工也。

言字打耳
史氏曰詩要健字撐住活字幹旋如弟子貧原憲諸
生老服虔貧與老字乃撐住也生理何顏面憂端
且歲時何與且字乃幹旋也撐住如屋之有柱幹
旋如車之有軸作文亦然詩以字文以句

詩法要標近體中虛活字極難寔字尤不易蓋調雖
是實欲使之虛活此所以爲難如古牆猶竹色虛
閣自松聲猶字自字皆虛活也如入天猶石色穿
水忽雲根詩人多以雲根爲石以雲觸石而出也猶忽二字似浮雲
着空閃爍無定誰能迹其妙處

徐子擴曰李涉春晚遊鶴林寺詩野寺尋花春已遲

背岩惟。有雨三枝。明朝携酒。猶堪賞。爲報春風。且莫吹。此詩已。惟猶且四字。皆着意字。眼發揮春晚之意。甚妙。

石林葉夢得詩話。詩語因忌。用巧太過。然緣情體物。自有天然工巧。而不見其刻削之痕。老杜細雨魚兒戲。微風燕子斜。此十字。殆無一字虛設。細雨着水面。爲瀝魚常上浮。而淪若大雨。則伏而不出。燕體輕弱。風猛則不能勝。惟微風乃受。以爲勢。故又有輕燕受風斜之句。至若穿花蛺蝶深深見。點水蜻蜓款款飛。深深字。若無穿字。款款字。若無點字。

皆無以見其精微如此。詩人以一字爲工。世固知之。惟老杜變化開闔出奇無窮。殆不可以形迹捕捉。如江山有巴蜀。棟宇自齊梁。則其遠近數千里。上下數百年。只在有與自兩字間。而吐吞山水之氣。俯仰古今之懷。皆見於言外。此工妙至到人力不可及也。

郡閣野談張洵少年苦吟未有所得。夢五色雲自天而下。取一團吞之。遂精雅道。有寄遠詩曰。錦字憑誰達。閒庭草又枯。夜長燈影滅。天遠雁聲孤。蟬鬢凋將盡。虬髯白也無。幾回愁不語。因看朔方圖。詩

卷謁齊已點頭吟諷無數爲改虬髯黑在無迫遂
拜作一字師

蘇長公外紀東坡嘗見王平甫自負甘露寺詩平地
風烟飛白鳥半山雲木卷蒼藤應之曰精神全在
卷字上但恨飛字不稱平甫沉吟久請易遂易之
以橫字平甫歎服大抵詩當日煅月煉非欲誇奇
關要陶汰以合用字耳

皇明世說沈石田問都南濠近有何得意作南濠自
誦節婦詩云白髮貞心在青燈淚眼枯石田云有
一字未穩禮經云寡婦不夜哭何不改燈字爲春

字。

竹坡詩話詩人造話用字有著意道處往往反露風骨。如滕元發月波樓詩野色更無山隔斷天光直與水相連只一直字便是着力道處不惟語少崢嶸兼亦近俗何不去野色更無山隔斷天光自與水相連爲微有蘊藉。

詩則雜論作詩不可使一字無用須是字字少不得又不可使一字不佳須是字字穩當又不可使一字無來歷須字字要有出處要無鄙俗。

劉禹錫嘉話爲詩用僻字須有來處常訝杜員外巨

額拆老拳疑老拳無據及覽石勒傳卿既遭孤老
拳孤亦飽卿毒手豈虛語哉後輩業詩卽須有據
不可率爾道也

洪邁容齋隨筆東坡有美堂暴雨詩云天外黑風吹

海立浙東飛雨過江來讀者疑海不能立黃魯直

曰此本老杜朝享太清宮賦九天之雲下垂四海

之水皆立水立謂潮水拱向坡摘海立二字用之甚雄壯

碧溪詩話舊觀臨川集青顧北山如慧約與公新崦

斲勞苦常愛其斲字最有力後讀退之詩翁樵悴

斲荒棘子美戒徒斲雲根雖一字之法不無所本

皇明世說楊升庵登眺山寺見雨霽虹蜺下飲澗水
得句云渴虹下飲玉池水斜日橫分蒼嶺霞張愈
光曰斜字猶未稱渴字後一年升庵偶閱莊子遂
改蜺日光愈曰渴虹蜺日古今佳句

石林詩話詩下雙字極難便須七言五言之間除去
五字三字外精神興致全見於兩言方爲工妙唐
詩記水田飛白鷺夏木囀黃鸝爲李嘉祐詩王摩
詰添漠漠陰陰四字精彩數倍不然如嘉祐本句
但是詠景耳人皆可到要之當令如老杜無邊落
葉蕭蕭下不盡長江滾滾來與江天漠漠鳥飛去

風雨時時龍一吟等句乃爲超絕近世王荊公詩
新霜浦絮綿綿白薄晚園林往往青與蘇子瞻詩
浥浥爐香初泛夜離離花影欲搖春皆可以追配
前人

譚苑醍醐王維詩暢以沙際鳥兼之雲外山孟浩然
詩重以觀魚樂因之鼓枻歌雖用助語字而無頭
巾氣

仇滄柱曰詩句中用助語字貴乎逸而有致謝朓詩
去矣方滯淫懷哉罷歡宴不如老杜云去矣英雄
事荒哉割據心更有遠神又詩古人稱逝矣吾道

詩法指掌 卷五
卜終焉說得韻趣。鮑明遠詩：傷哉良永矣。黃山谷詩得也。自知之。非不流利。但不如杜之後逸耳。若蘇東坡詩：僊客再遊行。老矣高僧一笑放。依然方是善於摹杜。

梅菴筆記：詩用助語字而帖妥者，如宋王才臣云：並舍者誰清。可喜。各家之竹翠相交。楊誠齋云：老夫自笑吾衰矣。此客何從夢見之。曾幼度云：不可以風霜後葉何傷。於月雨餘雲。明王穉登簡白子中詩：使乎吾語汝白也。近何如。皆不陳腐。

圍爐詩話：離騷若干言，只椒蘭二字見意。謂子椒子

蘭譜屈公於王者也。又雜於諸草木中見者不覺。
古人立言溫厚如此。

近軒偶錄作詩固要曉得句中用字。又要曉得句中
有讀如老杜春山無伴獨相求春山二字一讀伐
木丁丁山更幽伐木丁丁四字一讀澗道餘寒歷
冰雪石門斜日到林邱澗道餘寒石門斜日皆四
字一讀不貪夜識金銀氣遠害朝看麋鹿遊乘興
杳然迷出處對君疑是泛虛舟不貪遠害乘興對
君皆二字一讀知得句中有讀則詩義自易明矣
其曰斜日日夜曰朝日到日出曰求曰對是脉理

之次第亦屬詩篇之眼也

警句

邱瓊山曰作詩一毫不可苟倘一字不雅則一句不工一句不工則全篇皆廢是詩家鍊句鍊字之法尚矣而古人之警句又宜咀味之集中採撫唐詩甚夥佳句茲不更贅畧摘宋元明之警句以驅學者睡魔

方虛谷云老杜詩爲唐詩之冠黃陳詩爲宋詩之冠嗣黃陳而恢張悲壯者陳簡齋也流動圓活者呂居仁也清勁潔雅者曾茶山也若平澹而豐腴以

梅聖俞爲第一。今摘黃山谷句。如桃李春風一杯
酒。江湖夜雨十年燈。又野水自添田水滿。晴鳩更
喚雨鳩來。陳后山句。如鳥語催春事。窻明報夕陽。
又九日清樽欺白髮。十年爲客負黃花。陳簡齋句。
如暖日熏楊柳。濃陰醉海棠。又雲埋山麓。藏秋雨。
葉脫林梢。帶晚風。呂居仁句。如往事高低半枕夢。
故人南北數行書。又酒如震澤三江綠。詩似芙蓉
五月紅。曾茶山句。如竹樹驚秋半。衾裯愜夜分。又
山家嘗稻知良月。野徑尋梅見小春。梅聖俞句。如
蝶寒方歛翅。花冷不開心。又野鳬眠岸有閒意。老

樹著花無醜枝。各妙句。誠如方氏所云。他如呂夷
簡寒食句。人爲子推。初禁火花愁。青女再飛霜。韓
魏公園中句。風定曉枝蝴蝶亂。雨勻春圃桔槔閒。
歐陽公應制句。魚游碧沼涵靈德。花馥清香薦壽
杯。荆公句。如縑成白雪。桑重絲割盡黃。雲稻正青
東坡句。如繫悶。豈無羅帶水。割愁還有劍。鉞山秦
少游句。如有情。芍藥含春淚。無力薔薇臥曉枝。朱
文公句。如穉松遶麓。千旗捲野水。涵空一鑑開。楊
徽之句。新霜染楓葉。皓月借蘆花。文與可句。簾鉤
掛新月。窻紙漏飛霜。魏仲先句。洗硯魚吞墨。烹茶

鶴○避○烟○翁○靈○舒○句○宿○雨○消○花○氣○驚○雷○長○荻○芽○慶○元○
素○句○雪○白○寒○峯○曉○鳥○歌○春○谷○晴○王○文○惠○句○桑○斧○科○
春○色○漁○歌○唱○夕○陽○魏○野○句○妻○喜○栽○花○活○兒○誇○闕○草○
羸○鄭○文○定○句○百○草○千○花○路○斜○風○細○雨○天○葛○無○懷○句○
雪○滴○晴○簷○雨○風○翻○夜○壑○溝○張○宛○邱○句○欲○酌○消○愁○酒○
先○澆○破○睡○茶○陳○亞○句○排○聯○花○品○曾○非○僭○愛○惜○昔○錢○
不○是○慳○鄭○文○定○句○杜○曲○花○光○濃○似○酒○灞○陵○春○色○老○
于○人○李○宗○諤○句○一○溪○曉○綠○浮○鴻○鴻○萬○樹○春○紅○叫○杜○
鵑○張○元○獻○句○籬○邊○菊○秀○先○生○醉○桑○下○雛○嬌○稚○子○仁○
錢○昭○度○句○雨○被○北○風○吹○作○雪○水○愁○東○海○亦○成○冰○熊○

皎○句○深○逢○野○草○皆○爲○藥○靜○見○樵○人○恐○是○仙○伍○彬○句○
踪○跡○未○辭○鴛○鷺○客○寧○魂○先○到○鷓○鴒○村○趙○師○民○句○委○
地○露○花○啼○曉○淚○拂○堤○楊○柳○弄○春○容○王○平○甫○句○千○山○
月○午○乾○坤○盡○一○壑○泉○鳴○風○雨○秋○范○石○湖○句○月○從○雪○
後○皆○奇○夜○天○向○梅○邊○有○別○春○曾○幼○度○句○江○濶○鳥○疑○
飛○不○過○風○輕○帆○敢○趁○先○開○趙○師○秀○句○野○花○可○愛○移○
難○活○啼○鳥○多○情○望○卽○飛○蘇○子○美○句○細○燒○松○子○供○清○
坐○明○點○松○肪○讀○道○書○僧○道○潛○句○青○石○白○沙○含○淺○瀨○
碧○梧○蒼○竹○招○涼○颺○僧○如○蘭○句○芳○草○不○歸○支○遁○鶴○白○
沙○惟○見○石○軍○鵝○石○曼○卿○句○樂○意○相○關○頻○對○語○生○香○

不○斷○樹○交○花○卻○堯○夫○句○梧○桐○月○向○懷○中○照○楊○柳○風○
來○面○上○吹○楊○誠○齋○句○天○開○雲○霧○東○南○碧○日○射○波○濤○
上○下○紅○佳○句○皆○追○配○唐○賢○若○吾○越○有○陸○放○翁○者○其○
詩○在○高○岑○之○間○五○言○如○曾○求○竹○醉○日○更○問○柳○眠○時○
灘○急○回○魚○隊○天○低○襯○雁○行○七○言○如○猩○紅○帶○露○海○棠○
濕○鴨○綠○平○堤○湖○水○明○詩○思○長○橋○蹇○驢○上○棋○聲○流○水○
古○松○間○本○爲○柳○枝○留○淺○色○却○教○梅○蕊○洗○幽○香○晚○笛○
隨○風○來○倦○枕○春○潮○帶○雨○送○孤○舟○佳○句○不○勝○枚○舉○廼○
時○賢○大○言○宗○無○詩○不○可○學○非○也○

元人詩五言如薛同孫云白首開新社青山列舊隣

徐伯原云鳥啼青嶂裏僧語翠微間馬易之云竹
徑能留客桃源竟得仙白珽云朱櫻青豆酒綠草
白鵝邨袁伯長云雲開山後陣水咽隴頭吟汪澤
民云潮生沙岸濶雲破海門開釋善住云夜汲分
波月晨征候店雞七言如耶律楚材云窓開青瑣
招晴色簾捲銀鈎挹曉風馬祖常云天將山海爲
城塹人倚雲霞作綺羅袁伯長云喚鶴舞空山月
冷檄龍吹雨海風涼程鉅夫云栢林白綻梅花小
柿實紅垂橘彈圓文學古云紫簫曲度頻行酒綠
扇分題卽賦詩張養浩云詩有少陵難着語菊無

元亮不。成秋柳。貫云。消融太古岷峩雪。澄映中秋。
沆瀣天。薩天錫云。烏鵲橫雲秋。有影銀河垂地水。
無波。武伯英咏燭剪云。啼殘瘦玉蘭心吐。蹴落春。
紅燕尾香。宇文公諒送僧云。鉢衣不濕荷花露。玉。
塵遙生桂子風。薛明道云。欲將碧落開成路。遂取。
黃河瀉作辭曹文晦云。洞門花裏紅成陣。沙麓岩。
前翠作窩。厲元云。雷聲驚起雲頭雨。塔影倒插波。
底天。楊鐵崖云。小洞桃花落香眉。大堤楊柳掃晴。
烟。又棋尋東老林中橘。飯煮西施廟下蓴。錢惟善。
云。笠澤水寒魚尾赤。洞庭霜落樹頭紅。丁鶴年云。

三○更○日○浴○咸○池○水○八○月○潮○吞○渤海○天○至○吾○蕭○張○石○
坡○句○凝○眸○新○綠○初○長○夏○回○首○殘○紅○又○隔○年○朱○時○中○
句○千○嶂○白○雲○燒○藥○處○一○溪○流○水○種○桃○邊○佳○句○約○畧○
舉○之○皆○堪○爲○後○學○之○助○

明人詩氣韻渾厚佳句不勝枚也予摘其不習見者
開人心花肺葉焉五言如劉青田句返照千山赤
寒烟一島青王元章句聽雨愁如海懷人夜似年
袁海叟句好風因樹起新月度河來高季迪句僧
來雙屐雨漁郎一船霜徐幼文句水烟漁市晚花
氣野橋春王華川句綠鬢欺紗帽黃花照酒卮汪

朝宗句。倒藤懸宿鳥。絕壁掛晴霞。祁順句。雲氣千
山雨。松聲萬壑秋。李夢陽句。江從樹裏斷。山入雨
中無。晏句。草根蛙鼓吹。花底鳥笙歌。魏時敏句。
徑竹籠烟翠。池荷戰雨喧。沈鍾句。秋殘羣木老。野
迥亂山高。黃省曾句。江碧秋光定。林紅春色留。汪
本句。野草不媚世。沙鷗寧近名。顧應祥句。雲起移
山色。風鳴亂鳥音。景暘句。雲竹晴還雨。風花落更
飛。金琮句。丹霞捲日出。陰壑帶冰流。程烈句。朔風
如有譟。寒日欲無光。孫司直句。猿啼洞庭樹。人在
木蘭舟。盛敏耕句。花發臨危岸。鶯啼過遠林。姚貞

句墨香臨帖後茶沸罷琴餘張天錫句風便磬聲
遠日斜樓影長王元美句雨拖殘日脚山割亂雲
尖方登句鳥啣殘照去樹惹片雲來周暉句鶯啼
催小飲鶴步伴閑行虞龍句蟹佐持螯酒牛供掛
角書吳孺子句僻意少人會好懷多自憐顧斗英
句樹翻先客醉山欲借烟奇又窓暗荆花雨池酣
織柳烟孫太初句清流梳石髮遠霧着山中楊用
修句石帆風外矗沙鏡雨中明王野句風輕松韻
細露滴月涼生又咏月句峰銜形似缺江動影難
安曹學佺句明月自佳色秋鐘多遠聲孟望之句

日○銜○天○際○樹○雲○動○水○中○天○謝○榛○句○關○河○雙○鴈○迥○風○
雨○一○燈○深○何○良○俊○句○小○桃○紅○着○朶○新○水○綠○生○波○層○
隆○句○漁○舟○花○裏○出○僧○屐○雨○中○還○李○維○楨○句○雲○淨○千○
峯○出○江○空○一○鏡○平○董○思○白○句○山○水○琴○中○賞○烟○雲○杖○
底○收○馮○時○可○句○霞○送○殘○陽○落○星○依○片○月○高○葛○一○龍○
句○花○香○店○酒○荒○月○野○橋○烟○又○春○冷○花○如○病○齋○清○客○
當○憎○袁○中○道○句○霸○圖○無○永○歲○文○字○有○長○年○七○言○如○
劉○青○田○句○四○時○嵐○彩○飛○瓊○雪○百○道○泉○流○湛○玉○霜○高○
啓○句○一○路○詩○從○愁○裏○得○二○分○春○向○客○中○過○揚○基○句○
無○黦○白○鷗○閑○似○我○一○江○春○色○碧○于○天○王○綏○句○鳥○從○

萬木陰中響。人在亂山深處行。王華川句。搜檢蟲
魚窮爾雅。咏歌草木續離騷。沈濬仲東閣句。星環
太乙尊黃道。日麗層霄映翠華。九成殿上飛金雀。
萬歲山中舞碧鸞。林鴻應制句。堤柳欲眠鶯喚起。
宮花乍落鳥啣來。浦源句。雲邊路繞巴山色。樹裏
河流漢水聲。李時勉詠剪刀句。吳綾剪處魚吞浪。
蜀錦裁時燕掠霞。于少保句。風穿疎牖銀燈暗。月
轉高城玉漏遲。又醉來掃地卧花影。閒處倚窗看
藥方。又渭水西風吹鶴髮。嚴灘孤月伴羊裘。張靜
之句。溪流殘白春前雪。柳折新黃夜半風。瞿佑句。

斑斑湘竹非因雨。點點楊花不是春。郭文登泰華
寺句。湖勢欲浮雙塔去。山形如擁五華來。莊孟陽
句。荒村細雨聞啼鳥。小樹輕風落杏花。羅樊正句
禪房花木塵。中蝶淨土池塘劫外魚。王仁甫句。窮
將入骨詩還拙。事不縈心夢亦清。龍覲句。氣回簷
雪融。還細雨濕樓。烟重不飛。魏時敏句。黃花籬落
家家酒。白雁江天處處砧。徐禎卿句。文章江左家
家玉。烟月楊州樹樹花。傅汝舟句。新點玉書仙。賜
讀舊趨瓊閣。帝容歸。傅汝楫句。沙際學書尋鳥跡。
林間會意解禽言。許天錫句。青山當面似無路。黃

犢出林。還有村。顧應祥句。流泉激石。常飛雨。靈草
經寒。不斷香。文徵明句。樂府新傳。桃葉句。彩臺偏
寫薛濤箋。楊穀句。敗壁青苔。應殢雨。寒潭碧水似
澄霜。木想句。輕雲不障。千秋雪。曲檻偏宜。半畝荷
又含烟。翠篠供詩瘦。啄玉黃雞。佐酒肥。徐行甫句
僧侯講。餘求僻字。月乘醒後。攬鰓夫。陳鐸句。山月
巧窺人影瘦。夜涼先向客衣生。李東陽句。賀監有
船多載酒。浪仙無寺不題詩。錢繼章句。遠鴈興哀
沉古寺。飢烟無力出寒村。陳白沙句。田父許留今
日醉。梅花不欠去年詩。高棟句。旌旗半捲。星河落

閨闈平分曙色來。藍智句。半簾花雨寒欺袂。一
紅雲晚倚樓。沈石田句。老妻課佛清齋裏。幼女鳴
機夜火邊。薛文清句。石鱗有甲藏秋蘚。鐵馬無聲
散曉風。張時徹句。碧照簾櫳寒夜月。滄江風雨亂
春濤。施漸句。桃花浪潤三江水。楊柳絲長百尺樓。
盛敏耕句。潮聲繞屋初消雪。梅蓋知春競放晴。姚
貞句。檻竹報晴仍帶雨。瓶梅裹凍固留香。張愈光
句。鴻雁不傳雲外字。芙蓉空照水中花。楊用修句。
汀洲春雨。蘩芳杜。茅屋秋風。帶女蘿。李宗誠句。夢
去月明秋水濶。愁來霜逐鬢毛新。虞龍句。杯中有

聖方稱酒天下無仙不讀書孫太初句江當夕照
半添色詩與秋山兩關奇鄔佐卿無題句江柳眉
梢雙瑣恨海棠春盡獨銷魂粧粉曉沾蝴蝶草啼
紅春染杜鵑枝小閣閑情緘荳蔻空庭微步出蓮
花顧斗英句欲延月意窻從破恐碍荷香麝罷焚
屠長卿句相思累寄蘼蕪草見面難于優鉢花馬
季聲句馬勒桃花銜苜蓿笳吹蘆葉度榆林楊柳
山句寒欺草榻涼如洗風捲星河曙欲流沈野句
半夜號咷常索酒一生羶毳只圈詩周如頃句宜
花潭上魚竿在五柳門前鶴徑荒林春秀句柳絲

短垣綠枸杞。古塘枯竹立。鷓鴣王元美句。萬蝶對
分天。塹色千牆爭。上海門潮又西盤。瓠子河如帶。
東樹扶桑海一杯。李攀龍句。山川半入吳都賦。風
俗兼傳越絕書。華雲句。幽楊野雲涵翠竹。虛窻孤
月照青蓮。蔣棧長句。新月怯人藏。樹小稻風懷客
出畦聲。又。逃禪浪謔三杯酒。治產豪奢一硯田。至
吾蕭蕭舊五言。如張玉亭句。筵開花作陣。隊列錦
爲旌。富友陌句。蘿雨疏猿臂。松風墜鶴翎。單昭余
句。浪高翻石窟。雲暗結林梢。丁月溪句。孤峯撐落
照密樹。逗飛烟。來三峯句。樹籠崑下雨。花落洞中

雲蔡謙齋句。白鷺飛雲浦。丹楓映葛中。又戲贈句。
密飲文君酒。輕吹弄玉簫。七言如魏文靖句。金花
炫日波。心荐鐵榦。昂霄石上松。又綠水繞門堪洗。
硯青山入座可題詩。張吟客句。氣干北斗龍三尺。
宇斷西風鴈幾行。又菊山晚色陶潛業。湖岸春風。
賀監船。張善翁。蓼花句。斜陽影裏留魚戲。落日陰
中護。蟬行。蔡企齋句。如雪浪一江。奔白馬。雲山兩
岸。疊青螺。又菊莊句。鵝翎白映千枝雪。鶴頂紅堆
一簇霞。張望臺句。青樽不醉花前月。白髮長添鏡
裏愁。何醒菴句。日月于今非晉宋。烟霞終古笑巢

由張千野句。池幽不浸尋常月。地迥還疑別有天。
倪初源句。簾捲晴雲橫。越嶠窻含斜日掛。吳山來
汝剛句。孤山放鶴梅千樹。灞岸騎驢詩百篇。丁雲
問句。寒鴉徧地晚風起。紅葉點山秋色濃。來任卿
句。凍回松葉寒增色。晴透梅花香逼人。又絕壁飛
雲晴作雨。深林古木夏生寒。來倘湖句。如影來石
上。搖松樹。紅綬堦前綻。海棠又籬花盡散。村光麗
麥隴。將秋野屋蘇。蔡謙齋句。如舟前飛絮。參差城
岸上。縈花瀾。漫高又晴飛黃鳥。迷歌曲醉折荷花
亂酒香。諸賢佳句皆足法也。

詩法指南卷六

蕭山蔡

鈞

及心又
字易園輯

用事

消夏錄用故事要添入自己意思方不呆板

古今詩話作詩用事要如水中着鹽飲食乃知鹽味
此說詩家秘藏也杜少陵詩如五更鼓角聲悲壯
三峽星河影動搖人徒見凌繇造化之工不知乃
用事也禰衡傳漁陽搥聲悲壯漢武故事星辰影

動搖東方朔謂民勞之故則善用故事者如繫風捕影豈有跡耶

徐子擴曰太白詩黃鶴樓中吹玉笛江城五月落梅花樂府解題曰梅花落笛中曲也復齋漫錄云古曲有落梅花非謂吹笛則梅落詩人用事不悟其失耳胡荅溪云詩人因笛中有落梅花曲故言吹笛則梅落其理甚通用事殊未爲失古之詩詞用吹笛則梅落者甚衆若以爲失則落梅花之曲何爲笛中獨有之決不虛設也戎昱聞笛詩云平明獨惆悵飛盡一庭梅崔魯梅詩云初開已入彫梁

畫未落先愁玉笛吹。觀古人用事一律可見復齋之辨非也。

黃魯直云。吾見時哦昌黎贈同遊詩。喚起窓前曙。催歸日未西。了不解其義。自至峽州時。春晚方悟。喚起催歸二鳥名。用事若虛設。故人不覺耳。古人於小詩。用意精深如此。催歸子。規鳥也。喚起鳥聲如絡緯。圓轉清亮。偏於春曉鳴。

亦謂春喚

蕤圓擷餘善。使故事者勿爲故事所使。如禪家云。轉法華。勿爲法華轉。使事之妙在有而若無。實而若虛。可意悟。不可言傳。○如皇甫冉題李丞相舊居。

詩。詞。藻。世。傳。平。子。賦。園。林。人。比。鄭。公。卿。用。事。而。不。
爲。事。所。用。最。好。

談菴有言七言律一句不可兩入故事一篇中不可
重犯故事此病犯者固少能拈出亦見精嚴然吾
以爲皆非妙悟也作詩到人情傳處下得不覺痕
迹縱使重犯無傷如太白峨眉山月半輪秋影入
平羌江水流夜發清溪向三峽思君不見下渝州
四句內入地名者五然古今目爲絕唱殊不厭重
楊士弘曰詩中用事僻事實用熟事虛用

方虛谷曰梅聖俞金陵詩山形象龍虎官地牧牛羊

龍盤虎踞本是熟事以宮地牧牛羊爲對不覺杜撰之妙○此所謂熟事虛用也

漫叟詩話東坡和李公擇詩云敝裘羸馬占河濱野濶天低慘玉塵自笑餐毡典屬國來看換酒謫仙人蓋爲蘇李也親切之至○卽所謂僻事實用也東坡詩話詩須要有爲而作用事當以故爲新以俗爲雅好奇務新乃詩之病

沈確士曰殷遙送友人下第歸省云莫將和氏淚滴着老萊衣和氏淚老萊衣事本舊語合用之祇見其新矣

瀟。奎。律。髓。韓。致。光。召。對。歸。院。詩。坐。久。忽。疑。槎。犯。斗。歸。
來。兼。恐。海。生。桑。用。事。變。陳。爲。新。

近軒偶錄老杜和張丞相對雪詩落句云撒鹽如可
擬。願。摻。和。羹。梅。撒。鹽。本。非。俊。語。却。引。爲。宰。相。和。羹。
糝。梅。之。事。則。切。而。雅。矣。又。劉。禹。錫。金。陵。懷。古。詩。潮。
落。冶。城。渚。日。斜。征。虜。亭。蔡。洲。新。草。綠。幕。府。舊。烟。青。
四。地。名。本。非。雅。事。而。以。潮。日。草。烟。附。之。便。
不。俗。矣。

三生詩中用地名必取其佳者方能動色如鳳林
魚海鳥蠻白帝鳥鼠是也若的博嶺在維州蓬婆

乃吐蕃城名地方本粗硬乃老杜奉和嚴鄭公軍
城詩云已收滴博雲間戍更奪蓬婆雪外城用雲
間雪外以調適之讀來便覺風秀運用之妙如此
蘇長公外紀詩之用事不可牽強必至于不得不用
而後用之則事辭爲一莫見其安排闕湊之迹蘇
子瞻嘗爲人作挽詩云豈意日斜庚子後忽驚歲
在巳辰年此乃天生作對不假人力

含蓄

司馬溫公曰古人爲詩貴於意在言外使人思而得
之故言之者無罪聞之者足以爲戒

劉伯溫曰詩大要不越三百篇之旨或興或比或賦而分途則美刺兩端耳美不貴腴腴近諛刺不貴激激近暴諛者喪氣節暴者干罪戾安在其爲性情之正哉

伍芝軒曰詩有風雅頌其古體與今固殊而稱人之美卽頌也頌亦須含蓄若一味貢腴則陋甚矣如高元炬宣城人贈宣城宰云硯貯寒泉碧庭堆敗葉紅贈徐學士云鸞掠琴絃穿靜院吏收詩草下閒庭稱頌人而淡雅如此不惟得題詩者之品格而受詩者品格之高益見

翰府名談。刺史縣令故事尤多。士子以詩投獻難得
佳句。方謬有上廣州太守詩曰。鰲去惡溪韓吏部。
珠還合浦孟嘗君。雖善用故事議者未許。贈邑令
詩曰。琴彈永日得古意。印鑲經秋生蘚痕。句雖佳。
但印上不是生蘚處。不若雨後有人耕綠野。月明
無犬吠花林。非特句雅。而見令之教化仁愛。民樂
於豐年之耕耨。且無盜賊之警。含蓄多少意。
瀛奎律髓。王景文上虜丞相云。寄身江漢歸無所。開
眼乾坤見有公。甚雋快。但下首云。修造鳳樓須有
手。住持烏寺可無人。幾於自鬻。少含蓄矣。

沈確士曰。劉隋州岳陽寄阮中丞詩。結語云。賈誼上書憂漢室。長沙謫去古今憐。則直說淺露。不若王右丞送楊少府貶柳詩。結語云。長沙不久留才子。賈誼何須弔屈平。語含蓄有味。

雪濤詩評有舉子失意題昭君圖云。一自蛾眉別漢宮。琵琶聲斷戍樓空。金錢買取龍泉劍。寄與君王斬畫工。蓋以畫工喻典試。而含蓄不露。意亦巧矣。直方詩話詩有句含蓄者。老杜曰。勲業頻看鏡。行藏獨倚樓。鄭雲叟曰。相看臨遠水。獨自上孤舟。是也。有意含蓄者。如宮詞曰。銀燭秋光冷畫屏。輕羅小

扇撲流螢。天銜夜色涼。如水臥看牽牛織女星。又
謂人詩曰。怪來粧閣閉。朝下不相迎。總向春園裡。
花間笑語聲。是也。有句意俱含蓄者。如九日詩曰。
明年此會知誰健。醉把茱萸仔細看。是也。

謝疊山云。王昌齡長信宮詞。奉帚平明金殿開。且將
團扇共徘徊。玉顏不及寒鴉色。猶帶昭陽日影來。
此篇怨而不怒。有風人之義。寒鴉飛集於昭陽之
屋上。猶帶昭陽之日影。我之玉顏。反不及寒鴉之
色。故徘徊而自傷也。句意皆含蓄。

解大紳曰。詩在相題。不可一律而論。有宜含蓄者。則

意當厚。有宜豪放者。則意當發露。有宜莊重者。則語當痛快。有宜輕送者。則語當流麗。

沈歸愚曰。岑參寄左省杜拾遺詩云。白髮悲花落。青雲羨鳥飛。聖朝無闕事。自覺諫書稀。自傷遲暮無可建白也。感嘆語。以回護出之。又劉長卿謫居干越亭詩云。獨醒翻引笑。直道不容身。得罪風霜苦。全生天地仁。歸美君恩。何等蘊藉。

古今詩話。邵安石連州人。高湘侍郎南遷歸朝。途經連江。安石以所業投之。遂見知。同至輦下。湘知貢舉。安石擢第。詩人章碣賦東都望幸詩。刺之曰。懶

修珠翠上高臺。眉月連娟恨不開。縱使東巡也無益。君王自帶美人來。語近乎訕。亦失詩人溫柔敦厚之旨。

奪胎

冷齋夜話山谷云。意無窮而人才有限。以有限之才。追無窮之意。雖淵明少陵不得工也。必易其心而造其語。謂之換骨法。規模其意而變化之。謂之奪胎法。

唐詩釋箋梅禹金曰。曹植怨詩。願作東北風。吹我入君懷。齊幹詩。將心寄明月。流影入君懷。而太白詩。

我寄愁心與明月。隨風直到夜郎西。能兼裁其意。
撰成奇語。

譚苑醍醐陳僧慧咏水詩曰。舟如空裏泛。人似鏡中行。沈佺期釣竿篇。人如天上坐。魚似鏡中懸。老杜詩。春水船從天上坐。老年花似霧中看。雖用二家之句。而壯麗倍之。可謂得奪胎之妙矣。

蔡約之西清詩話。詩之聲律。至唐始成。然亦多原六朝旨意。而造語工夫。各有微妙。何遜入西塞詩。薄雲巖際出。初月波中上。至少陵江邊小閣。則云。薄雲巖際宿。孤月浪中翻。雖因舊而益妍。類獺髓補。

痕也。

仇澹柱曰魏澹詩山簾飛小燕映戶落殘花老杜詩
雜花分戶映嬌燕入簾回句法互換而意趣更佳
楊用修曰沈約八詠詩夕行聞夜鶴晨征聽曉鴻夕
夜晨曉四字似複非複後人決難下也東坡詩朝
與烏鵲朝夕與牛羊夕二句尤妙實奪胎沈意
趙汴曰老杜詩醉裏從爲客詩成覺有神東坡詩夢
裡似曾遷海外醉中不覺到江南又云却舉酒杯
疑是夢試推詩筆已如神意皆出於杜
方虛谷曰姚合游春詩有云嚕花香滿口書竹粉粘

言
衣。卽。于。良。史。掬。水。月。在。手。弄。花。香。滿。衣。也。卽。老。杜。
步。壑。風。吹。面。看。松。露。滴。身。也。劉。賓。客。晚。泊。牛。渚。詩。
殘。霞。忽。改。色。遠。雁。有。餘。聲。楊。誠。齋。晚。景。云。暮。天。無。
定。色。過。雁。有。歸。聲。亦。自。唐。人。翻。出。老。杜。詩。幽。棲。地。
僻。經。過。少。老。病。人。扶。再。拜。難。尤。延。之。小。改。用。作。元。
日。詩。云。蕭。條。門。巷。經。過。少。老。病。腰。支。起。拜。難。却。切。
白。樂。天。詩。鬢。爲。愁。先。白。顏。因。酒。暫。紅。陳。后。山。詩。短。
髮。愁。催。白。衰。顏。借。酒。紅。略。換。數。字。便。鍛。鐵。成。金。
又。曰。李。義。山。落。花。詩。落。時。猶。自。舞。掃。後。更。餘。香。宋。子。
京。詩。將。飛。更。作。迴。風。舞。已。落。猶。成。半。面。妝。是。學。義。

山也。白樂天詩。身兼妻子都三口。鶴與琴書共一船。陸放翁詩。身併猿鶴爲三口。家托烟波作四隣。小異而律同。

珊瑚詩話。王臨川詩。細數落花因坐久。緩尋芳草得歸遲。此與杜詩見輕吹鳥毳。隨意數花鬚。命意無異。

近軒偶錄。司馬公池溫國公之父也。作行色詩云。冷于波水淡於秋。遠陌初窮見渡頭。賴得丹青無畫處。畫成應遣一生愁。今高謨茹詩。行遍千川涉百川。升高臨遠思悠然。從今不寫江南景。恐惹鄉愁。

到眼前與司馬公同意

野客叢書許昌西湖展江亭宋元憲留題有鑿開魚
鳥忘情地展盡江湖極目天之句曠古未有然本
于五代馬殷據潭州時建明月圖徐中雅詩鑿開
青帝春風圃移下嫦娥夜月樓僕謂又不止此觀
唐沈彬望廬山詩壓低吳楚遙涵水穿破雲霞獨
倚天從來佳句脫化者多

潘邠老云陳三所謂學詩如學仙時至骨自換此語
爲得如不知眼界開多少白雲去盡青天回凡此
之類皆換骨法也顧況詩曰一別二十年人堪幾

回別王介甫與故人詩曰。一日君家把酒杯。六年
波浪與塵埃。不知烏石橋邊路。到老相尋得幾回。
樂天曰。臨風杪秋樹。對酒長年身。醉貌如霜葉。雖
紅不是春。東坡南中詩曰。兒童悞喜朱顏在一笑。
那知是酒紅。凡此皆奪胎法也。

謝榛曰。選李杜十四家之最者。熟讀之以奪神氣。歌
咏之以求聲調。玩味之以裒精華。得此三要。則造
乎渾淪。自然出色。

翻案

朱東岳曰。寫山僧。必寫其置酒。寫美人。必寫其學道。

寫秀才必寫其從獵寫武將必寫其讀書謂之翻
盡本色別出妙理也

談苑醍醐詩貴翻案謝靈運詩曉聞夕飈急晚見朝
日。瞰。此。語。殊。有。變。互。凡。風。起。必。以。夕。此。云。曉。聞。夕
飈。卽。杜。子。美。之。喬。木。易。高。風。也。晚。見。朝。日。倒。景。返
照。也。孟。郊。詩。南。山。塞。天。地。日。月。石。上。生。高。峯。夕。駐
景。深。谷。夜。先。明。皆。自。謝。詩。翻。出。

瀛奎律髓凡用事須翻案雪夜訪戴一時故實老杜
舟中雪夜懷友云不識山陰道聽鷄更憶君用爲
不識路而不可往則翻案矣韋莊水館重陽作水

館紅蘭合山城紫菊深白衣雖不至鷗鳥自相尋
其白衣用王弘九日送淵明酒事言不至者翻案
也

石舟日抄韓昌黎潮陽示姪湘詩雲橫秦嶺家何在
雪擁藍關馬不前明林初文題韓文公像云獨立
藍關雪回看秦嶺雲非千馬不進步步戀明君薛
初案而尤見忠君之意

伍芝軒曰題王昭君詩古今不知多少而議論愈出
愈新總以不落前人窠臼爲妙東方虬曰單于浪
驚喜無復舊時容白太傅曰君王若問妾顏色莫

道不如宮裏時。至宋王荆公意見出。人曰。意態出。來。畫不成。當時在殺毛延壽。明高季迪詩。後來更。居上曰。願君莫殺毛延壽。留畫商巖裏。賢季迪。能寓議論於含蓄之中。而諷刺之意。悠然見於言。外。自推絕唱。

香泉偶賢詩。有不用正面故作反筆側筆。而題意愈。爾。沉痛者。明詩如陳薦夫宮詞云。雖言逐隊向長。門。十載何曾識至尊。命薄不教人見妬。始知無寵。是君恩。李至清題五柳圖云。淒慘江城柳萬條。淡。烟疎雨夜蕭蕭。輕柔不似先生節。迤着東風便折。

腰皆能反題立意。自出機杼。別見峭致。

晉聞詩論陳無已詩。枯松倒影半溪寒。數個沙鷗似水安。曾買江南千本畫。歸來一筆不中看。又無名氏詩。千金却買吳州畫。合與吳州畫裏行。小雨半收蒲葉冷。漁人歸去釣船橫。此卽前詩翻之自出也。

押韻

陳白沙曰。論詩當論性情。論性情。先論風韻。無風韻。則無詩矣。

李笠翁曰。四聲韻定於沈約。歷千有餘年。以至於今。

本便詩
韻例
數韻行

代有著作各賢無不守為繩尺未見更張出韻則
犯詩家之忌。

詩範押韻須穩健則一句有精神。

宋景濂曰詩為韻所縛作者須以題意為主韻為客
使題意與韻若出天成不作牽合補塞態方是作
手若為韻扞格反致意義與矛盾則舛錯鄙俚之
弊不終無矣。

閒居詩註寇萊公延僧惠崇于池亭分題為詩公探
得池上柳青字韻崇探得池鷺明字韻自午至晚
崇忽點頭曰得之矣此篇功在明字九五壓不倒。

公曰。試口占。僧曰。雨歇方塘溢。遲回不復驚。暴翎沙日暖。引步島風清。照水千尋迥。棲烟一點明。主人池上鳳。見爾憶蓬瀛。公笑曰。吾柳之功。在青字而四壓不倒。不如且已。

廬元昌曰。壯詩中慣用爲字。作韻脚。如贈畢曜曰。顏狀老翁。爲此爲字。下得苦。孟冬詩曰。方冬變所爲。此爲字。下得微。送王侍御曰。此贈怯。輕爲此爲字。下得逸。偶題曰。餘波綺麗爲。此爲字。下得雅。復至東屯曰。一學楚人爲。此爲字。下得傲。和少府書齋曰。書齋聞爾爲。此爲字。下得蘊。藉宴楊使君東樓。

曰樂任主人爲此爲字下得跌宕

近軒偶錄兒字似俗古詩有用之而不俗者如孫光憲採蓮詩茵蔯香連十頃陂小姑貪戲採蓮遲晚來弄水船頭濕更脫紅裙褰鴨兒李群玉釣魚詩七尺清竿一丈絲荻蒲葉裏逐風吹幾回舉手拋芳餌驚起沙灘水鴨兒又贈琵琶妓詩我見鴛鴦飛水去君還望月苦相思一雙裙帶同心結尋寄黃鶯孤雁兒

作詩押韻是一巧東坡雪後書壁詩城上初日始翻鴉頂上晴泥已沒車老病自嗟詩力退空吟水柱

憶劉父劉父有詩勝大于天之句再用韵詩對酒強歌愁底事。
閉門高臥定誰家。臺前日暖君須愛。冰下寒魚漸。
可父王半山次父字韵云。戲授亂掬輪兒女高神。
龍鍾手獨父。又銀爲官闕尋常見。豈卽諸天守。衣。
父又長恨玉顏春不久。畫圖時展爲君父。楊升菴。
與顧箬溪倡和雪詩。次東坡父字韵。顧言父字韵。
窄。古人和此詩極多。韵字押盡矣。升菴曰。佛經力。
父又北齊書有領軍趙野父獻白兔鷹此兩父字。
皆未經人押。顧笑曰。公大能記。可見胸中有書。則。
險韵自不難押也。

彥周詩話記人作七夕詩押芻尼字衆人竟和無成
詩者僕時不曾賦後讀藏經呼喜鵲爲芻尼乃知
讀書不厭多又中秋夜月詩押尖字數首之後一
婦人詩云蚌人光透殼犀角暈盈尖甚佳○東坡
雪後詩試掃北臺看馬耳馬耳山名未隨埋沒有雙尖
又書生事業真堪笑忍凍孤吟筆退尖押尖字全
不喫力真天才也

蘇長公外紀東壩與曾柔開肇同居兩省扈從車駕
赴宣光殿子開有詩語亦佳坡面和其斷句辛字
韵皆工一云輦路歸來聞好語共驚堯顙類高辛

又云最後數篇看莫厭擣殘椒桂有餘辛按楚辭
昔三后之純粹兮固衆芳之所在雜申椒與菌桂
兮豈維紉夫蕙蒹葢以椒桂蕙蒹皆草木之香者
喻賢人也押險韵冥搜至此可謂工矣

過庭錄宣和間景靈宮落成御製有詩用萊字韵應
制者牽強不合獨鄭達甫所作云殿上神光瞻舜
禹壁間俊氣識伊萊爲絕冠諸臣矣

石舟日抄李太白金陵鳳凰臺詩鳳凰臺上鳳凰遊
鳳去臺空江自流吳宮花草埋幽境晉代衣冠成
古邱三山半落青天外二水中分白鷺洲總爲浮

雲能蔽日。長安不見使人愁。昔賢評爲千古絕唱。
余偶讀宋郭公父詩。得其和韵云。高臺不見鳳凰
遊。浩浩長江入海流。舞罷青娥同去國。戰殘白骨
尙盈邱。風搖落日催行棹。湖掩新沙換古洲。結綺
臨春無處覓。年年芳草向人愁。其和韵之工。無有
出其右者。而并得太白逸氣。

詩文浪談詩之聲也。豈曰平平仄仄。爲已哉。卽平之
聲有輕有重。有清有濁。而仄之聲亦有輕有重。有
清有濁。此天地自然之聲也。而唐以後。鮮有知者。
且不可以循古之恒裁。况能盡詩之變體耶。唐人

之所謂變體者。乃變其平仄之聲。而輕重清濁之
間。蓋不可得而變矣。或曰古體亦有聲歟。林子曰。
古體亦皆聲也。卽如羅衣何飄飄。輕裾隨風旋。此
十言皆平也。又如有客有客杜子美。此七言皆仄
也。平仄既不論矣。而輕重清濁之聲。其可不知乎。
故不知聲者。不可與言詩。

楊慎曰。文心雕龍聲律篇云。異音相從。謂之和。同音
相應。謂之韻。韻氣一定。故餘聲易遣。和體抑揚。故
遺響難契。宋詞元曲。皆于仄韻用和音。以叶韻。蓋
以平聲爲一類。而上去入三聲附之。如東凍董是。

和東中風是韻也。詩句聲律須要精嚴。

南史王元謨問謝莊曰：何者爲雙聲？何者爲疊韻？莊曰：互護爲雙聲，礪稿爲疊韻。按古人以四聲爲切韻，紐以雙聲疊韻，必以五音爲定。蓋爲東方喉聲爲木音，西方舌聲爲金音，南方齒聲爲火音，北方唇聲爲水音，中央牙聲爲土音也。互護同爲唇音，而二字不同韻，故謂之雙聲。今按佩文詩韻並翁詩韻互護皆在七遇同礪稿同爲牙音，而二字又同韻，故謂之疊韻。若彷彿熠燿、騏驎、慷慨、伊嚶、霖霖皆雙聲也。若侏儒、童蒙、崆峒、龍從、螳螂、滴瀝皆疊韻也。

學林新編曰雙聲者同音而不同韻疊韻者同音而
又同韻也如李群玉詩方穿詰曲崎嶇路又聽鉤
輶格磔聲詰字在四質韻曲字在二沃韻崎字在
四支韻嶇字在六魚韻音同而韻不同乃雙聲也
鉤字輶字俱十一尤韻格字磔字俱十一陌韻音
同而韻又同乃疊韻也

蔡寬夫曰如杜詩卑枝低結子接葉暗巢鶯卑枝二
字俱四支韻接葉二字俱十六葉韻卽疊韻也白
樂天詩量大嫌甜酒才高笑小山嫌甜二字俱十
四鹽韻乃疊韻笑在十八嘯韻小在十七篠韻乃

雙聲也。

宋人戴復古詩。作詩不與作文比。以韻成章。怕韻虛。押得韻來。如砥柱動移不得。見工夫。

構思

朱東岳曰。作詩總在不著意處。著筆不猶人處。構思名世傳世。其在是矣。

張綆曰。凡詩體欲其宏。而思欲其密。廣大精微兼之。斯美。

滄浪詩話。作詩要苦思。詩之不工。只是不精思耳。不思而作。雖多亦奚以爲。古人苦心終身。日鍛月鍊。

不日語不驚人死不休。則曰一生精力盡於詩。今人未嘗學詩。往往便稱能詩。詩豈不思而得哉。

韻語陽秋詩之有思。卒然遇之。而莫遇。有物敗之。則失之矣。故昔人言覃思。垂思。抒思之類。皆欲其思之來。所謂亂思。蕩思者。言敗之者易也。鄭槩詩思在灞橋風雪中。驢子背上。前輩論詩。思多生于杳冥寂寞之境。而志意所如。往往出乎埃壚之外。小說載謝無逸問潘大臨云。近日曾作詩否。潘云。秋來。日日是詩思。昨日捉筆得滿城風雨近重陽之句。忽催租人至。令人意敗。輒以此一句奉寄。亦可。

見思難而易敗也。

丹陽集

陳去非嘗爲予言唐人皆苦思作詩所謂吟

安一箇字。撚斷數莖鬚。卽向夜深得心從天外歸。

吟成五字句。用破一生心。蟾蜍影裡清吟苦。解纜

舟中白髮生。之類是也。故造語皆工。得句皆奇。

梅菴筆記李太白斗酒百篇。援筆立成。杜子美文能

長吟一字不苟。二公蓋亦互相譏嘲。太白戲子美

云。借問別來太瘦生。總爲從前作詩苦苦之一字。

譏其用琬鐫也。子美寄太白云。何時一樽酒。重與

細論文。細之一字。譏其欠縝密也。昌黎誌孟東野

云。剡日鉢心。亦迎縷解。鈞章。搢句。搢擢。賢。言。其。得之艱難。贈崔立之云。朝爲百賦猶鬱怒。暮作千詩轉適。緊搖毫擲簡。自不供。頃刻青紅浮海。屢言其得之容易。余謂文章要在理。意深長。辭語明粹。足以傳世。覺後豈但誇多鬪速于一時哉。山谷云。閉門造句。陳無已對客揮毫。秦少游世傳無已。每有詩興。擁被臥床。呻吟累日。乃能成章。少游則杯觴流行。篇詠錯出。畧不經意。然少游特流連光景之詞。而無已意高詞古。直欲追蹤騷雅。正自不可同年語也。

范德機曰世多目詩爲末技然不用心不讀書不歷練世故則不足以名家文字頻改工夫自出所以頑鈍久鍊成鋼鉛錫冶而後出

方正學曰作詩要藏深思於寓言之中發天趣于摸題之外

楊堯臣曰思之工者寫難狀之景如在目前含不盡之意見於言外

古今詩話唐人爲詩常積思數十年然後各自名家杜少陵云更覺良工用心苦

朱子曰詩者志之所在在心爲志發言爲詩然則詩

者豈復有工拙哉亦視其志之所向者高下何如耳是以古之君子德足以求其志必出於高明絕一之地其于詩。園。木。求。工。而。自。無。不。工。矣。孔子曰。詩三百一言以蔽之曰思無邪。